

ქ. თბილისი

13 დეკემბერი 2018 წელი

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილი მისი დირექტორის ეკატერინე გალდავას სახით, ხოლო მეორეს მხრივ შპს „თეგეტა მოტორსი“ (შემდგომში „მიმწოდებელი“), წარმოდგენილი მისი მინდობილი პირის (სანოტარო მოქმედების რეგისტრაციის N181408890) გაყიდვების დეპარტამენტის უფროსის თეიმურაზ დარისპანაშვილის სახით, საქართველოს მოქმედი კანონმდებლობისა და პრეტენდენტის სატენდერო წინადადების საფუძველზე NAT180017962 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში-ხელშეკრულება) შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს იგივე მნიშვნელობა, რაც სახელმწიფო შესყიდვების შესახებ კანონსა და მის საფუძველზე გამოცემულ სააგენტოს თავმჯდომარის სახელმწიფო შესყიდვების მარეგულირებელ სხვა კანონქვემდებარე ნორმატიულ აქტებში.

2. შესყიდვის ობიექტი და გარანტია

- 2.1 წინამდებარე ხელშეკრულების საგანს წარმოადგენს შემსყიდველისათვის ახალი ექსპლუატაციაში არ მყოფი დიდი ტვირთამწეობის მანქანების საბურავების (CPV34352000 - დიდი ტვირთამწეობის მანქანების საბურავები) მიწოდება.
- 2.2 ხელშეკრულებით გათვალისწინებული საქონლის ზუსტი აღწერა და რაოდენობა მოცემულია ფასების ცხრილში დანართი N1, რომელიც წარმოადგენს ხელშეკრულების განუყოფელ ნაწილს.
- 2.3 მიწოდებულ საბურავზე ვრცელდება შემდეგი საგარანტიო პირობები: საბურავის სწორის ექსპლუატაციის შემთხვევაში გარანტია ვრცელდება 50000 კმ გარბენზე; ნორმების დაცვით ექსპლუატაციისას საბურავმა არ უნდა მიიღოს დეფორმაცია, საბურავის სამუხრუჭე მანძილი არ უნდა იწვევდეს საფრთხის შექმნას მგზავრებისათვის და საბურავმა არ უნდა გამოავლინოს ისეთი დეფექტები, რომელიც ხელს შეუშლის ავტომანქანის ნორმალურ ექსპლუატაციას ან საფრთხეს შეუქმნის მგზავრების უსაფრთხოებას;
- გარანტია არ ვრცელდება ქვემოთ ჩამოთვლილი მიზეზებით დაზიანებულ საბურავებზე: მექანიკური დაზიანება (გაჭრა) და გარეგანი ზემოქმედებით (გადახურება/დაბუქსავება) დაზიანება;
- 2.4 თუ საგარანტიო პერიოდის განმავლობაში საქონლის ექსპლუატაციისას, მისი სწორი ექსპლუატაციის პირობებში, გამოვლინდება დეფექტი ან/და ნაკლი, მიმწოდებელი ვალდებულია შემსყიდველის შეტყობინების მიღებიდან 30 (ოცდაათი) კალენდარული დღის ვადაში საკუთარი ხარჯით უზრუნველყოს დეფექტის აღმოფხვრა ან/და საქონლის შეცვლა ახალი ექსპლუატაციაში არ მყოფი ანალოგიური პარამეტრების მქონე საქონლით.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 13 740 (ცამეტიათას შვიდასორმოცი) ლარს დღგ-ს გათვალისწინებით; ერთეულის ფასები მოცემულია დანართ N 1-ში;
- 3.2 ხელშეკრულების ჯამური ღირებულება მოიცავს საქონლის მიწოდებასთან დაკავშირებულ ყველა ხარჯს და საქართველოს კანონმდებლობით გათვალისწინებულ ყველა სახის გადასახადს და მოსაკრებელს;
- 3.3 ხარჯები რომლებიც წინადადების ფასში არ არის გათვალისწინებული არ ექვემდებარება ანაზღაურებას.

4. ანგარიშსწორების წესი

- 4.1 „მიმწოდებელთან“ ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში.
- 4.2 ანგარიშსწორებისათვის შემსყიდველსა და მიმწოდებელს შორის უნდა გაფორმდეს მიღება-ჩაბარების აქტი.
- 4.3 დაფინანსების წყარო: შპს „საქართველოს გაერთიანებული წყალმომარაგების კომპანიის“ 2018 წლის საკუთარი სახსრები.
- 4.4 ანგარიშსწორება განხორციელდება საქონლის სრულად მიწოდების შემდეგ, მიღება-ჩაბარების აქტის, სასაქონლო ზედნადების და ანგარიშ-ფაქტურის მიმწოდებლის მიერ წარმოდგენიდან 10 (ათი) სამუშაო დღის ვადაში.
- 4.5 წინასწარი ანგარიშსწორება არ გამოიყენება.
- 4.6 ანგარიშსწორებისათვის საჭირო დოკუმენტაცია (გარდა ელექტრონული დოკუმენტაციისა) მიმწოდებელმა შემსყიდველს უნდა წარუდგინოს შემსყიდველის სათაო ოფისის მისამართზე, ქ. თბილისი, ვაჟა ფშაველას გამზირი 76ბ.

5. შესყიდვის ობიექტის მიღება-ჩაბარების წესი

- 5.1 საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტისა და ინსპექტირების აქტის გაფორმების შემდეგ.
- 5.2 მიღება-ჩაბარების აქტს შემსყიდველის მხრიდან ხელს მოაწერს შპს „საქართველოს გაერთიანებული წყალმომარაგების კომპანიის“ სასაწყობო მეურნეობის სამსახურის უფლებამოსილი წარმომადგენელი/წარმომადგენლები.
- 5.3 მიღება-ჩაბარების აქტით დადასტურდება საქონლის ფაქტიური მიწოდება, ხოლო საქონლის ხელშეკრულების პირობებთან შესაბამისობის დადასტურება მოხდება ინსპექტირების აქტით (დადებითი დასკვნით).

6. შესყიდვის ობიექტის მიწოდების ადგილი და ვადა

- 6.1 საქონლის მიწოდება უნდა განხორციელდეს ხელშეკრულების გაფორმებიდან არაუგვიანეს 20 დეკემბრის ჩათვლით.

6.2 საქონლის მიწოდება განხორციელდება მიმწოდებლის ხარჯით შემდეგ მისამართზე: ქ. გორი, ცხინვალის გზატკეცილი მე-3 კილომეტრი შპს „საქართველოს გაერთიანებული წყალმომარაგების კომპანიის“ ცენტრალური საწყობი.

7. მხარეთა უფლება-მოვალეობები

7.1. შემსყიდველი უფლებამოსილია:

ა) საქონლის მიწოდების დროს განახორციელოს საქონლის ხარისხისა და სხვა პირობების წინამდებარე ხელშეკრულების პირობებთან შესაბამისობის ინსპექტირება;

ბ) მოთხოვოს მიმწოდებელს წინამდებარე ხელშეკრულების ჯეროვანი, დროული და კეთილსინდისიერი შესრულება

7.2. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.4. მიმწოდებელი ვალდებულია:

ა) უზრუნველყოს ხელშეკრულებით გათვალისწინებული უფლებრივად და ნივთობრივად უნაკლო საქონლის მიწოდება.

ბ) დაიცვას წინამდებარე ხელშეკრულების პირობები.

გ) აუნაზღაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზარალი.

დ) უზრუნველყოს შემდეგი მომსახურების გაწევა (საბურავის დემონტაჟი, მონტაჟი, ბალანსირება) მის სერვისცენტრში საკუთარი ხარჯით.

8. ხელშეკრულების შესრულების კონტროლი

8.1. ხელშეკრულების კონტროლს (ინსპექტირებას) შემსყიდველის მხრიდან განახორციელებს შპს „საქართველოს გაერთიანებული წყალმომარაგების კომპანიის“ სატრანსპორტო სამსახურის უფლებამოსილი წარმომადგენელი/წარმომადგენლები.

8.2. ამ მუხლის პირველი პუნქტით გათვალისწინებული პირ(ებ)ის ფუნქციაა მისაწოდებელი/მიწოდებული საქონლის რაოდენობის/მოცულობის, საგარანტიო ვადების/პირობების, ხარისხისა და შესრულების ვადების ხელშეკრულების მოთხოვნებთან შესაბამისობის დადგენა

8.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად გამოვლენილი ყველა ხარვეზის აღმოფხვრა.

9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, "მიმწოდებელს" დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

9.2 ხელშეკრულებით ნაკისრი ვალდებულებების შეუსრულებლობის შემთხვევაში, "მიმწოდებელი" ჯარიმდება ხელშეკრულების ჯამური ღირებულების 3 (სამი) პროცენტის ოდენობით.

9.3 იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 5 (ხუთი) პროცენტს, "შემსყიდველი" იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.5 ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს საქონლის ღირებულებიდან, იმ შემთხვევაში თუ საქონლის მიწოდება არ არის განხორციელებული მიმწოდებელი ვალდებულია შემსყიდველის მოთხოვნიდან 5 (ხუთი) სამუშაო დღეში გადაიხადოს შესაბამისი თანხა შესმსყიდველის სასარგებლოდ, ხოლო იმ შემთხვევაში თუ საქონლის ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 (ხუთი) სამუშაო დღეში გადაიხადოს შესმსყიდველის სასარგებლოდ საჯარიმო თანხებსა და საქონლის ღირებულებას შორის არსებული სხვაობა შემსყიდველის სასარგებლოდ.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლის შესაბამისად, სახელმწიფო შესყიდვის შესახებ ხელშეკრულების შეცვლის პირობები განისაზღვრება მოქმედი კანონმდებლობის შესაბამისად.

10.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4 მხარე ვალდებულია 10.3 პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.5 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დავები და მათი გადაწყვეტის წესი

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით.

11.2 მოლაპარაკებების დაწყებიდან 10 (ათი) კალენდარული დღის განმავლობაში შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ფორს-მაჟორი

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდგმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, წინააღმდეგ შემთხვევაში გარემოება არ ჩაითვლება ფორს მაჟორულად.

13. სხვა პირობები

13.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან.

13.4 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

13.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

14. ხელშეკრულების მოქმედების ვადა

14.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2019 წლის 30 იანვრის ჩათვლით, გარდა ხელშეკრულების 2.3 და 2.4 პუნქტებისა.

14.2 ხელშეკრულების 2.3 და 2.4 პუნქტები ძალაშია მთელი საგარანტიო პერიოდის განმავლობაში.

„შემსყიდველი“

შპს „საქართველოს გაერთიანებული
წყალმომარაგების კომპანია“
მის: ქ. თბილისი, ვაჟა ფშაველას ქ. N76ბ.

ტელეფონი: 995 32 2919060

სს „ლიბერთი ბანკი“

ცენტრალური ფილიალი

კოდი: 220101480, LBRTGE22

ა/ა N GE77LB0113123325230012

ს/კ 412670097

დირექტორი

ვატერინე გალდავა

„მიმწოდებელი“

შპს „თეგეტა მოტორსი“

მისამართი: ქ.თბილისი, აღმაშენებლის ხეივანი მე-12კმ №5.

ტელეფონი: 032 2264444

მომსახურე ბანკი: სს „თიბისი ბანკი“

მომსახურე ბანკის კოდი: TBCBGE22

ანგარიშის ნომერი: GE80TB0600000024467853

საიდენტიფიკაციო კოდი: 202177205


ელ-ფოსტა: tender@tegetamotors.ge

დირექტორის მინდობილი პირი

თეიმურაზ დარისპანაშვილი

N	დასახელება	საბურავის ტიპი (ზამთარი, ზაფხული, ყველა სეზონი)	საბურავის ზომა	განზომილების ერთეული	რაოდენობა	ერთეულის ფასი	საერთო ღირებულება	წარმოშობის ქვეყანა/მწარმოებ ელი კომპანია/ მოდელი
1	საბურავი ავტოსატრანსპორტო საშუალება JCB 1CX- ისტვის	სპეციალური ტექნიკა (სეზონის გარეშე)	7.00-15	ცალი	6	250	1500	ჩინეთი, Forerunner, QH201
2	საბურავი ავტოსატრანსპორტო საშუალება ÇUKUROVA 880 E- ისტვი	სპეციალური ტექნიკა (სეზონის გარეშე) წინა ღერძის	12.5/80- 18/12pr	ცალი	6	440	2640	ჩინეთი, Forerunner, QH604
3	საბურავი ავტოსატრანსპორტო საშუალება ÇUKUROVA 880 E- ისტვი	სპეციალური ტექნიკა (სეზონის გარეშე) უკანა ღერძის	16.9/28	ცალი	4	930	3720	ჩინეთი, Forerunner, QH601
4	საბურავი ავტოსატრანსპორტო საშუალება HIDROMEK 62 SS-ისტვი	სპეციალური ტექნიკა (სეზონის გარეშე) უკანა ღერძის	10/16.5	ცალი	4	270	1080	ჩინეთი, Forerunner, SKS1
5	საბურავი ავტოსატრანსპორტო საშუალება JAC HFC 1061 4000-LT-ისტვი	სპეციალური ტექნიკა (სეზონის გარეშე)	LT7.50/R16	ცალი	24	200	4800	ჩინეთი, Hifly, Tral Van 100
სულ ჯამი დღგ-ს ჩათვლით:							13 740 (ცამეტიათას შვიდას ორმოცი) ლარი	


შპს „საქართველოს გაერთიანებული
წყალმომარაგების კომპანია“



შპს „თეგეტა მოტორსი“

დირექტორის მინდობილი პირი

თეიმურაზ დარისპანაშვილი



ხელწერილი ინტერესთა კონფლიქტის არ არსებობის შესახებ

დიდი ტვირთამწეობის მანქანების საბურავების შესყიდვა

მიმწოდებელი: შპს „თეგეტა მოტორსი“

2018 წლის 13 დეკემბერი NT-121302 ხელშეკრულება

ქ. თბილისი


13 დეკემბერი 2018 წელი

მე ქვემოთ ხელის მომწერი ვადასტურებ, რომ შპს „საქართველოს გაერთიანებული წყალმომარაგების კომპანიის“, მიერ დიდი ტვირთამწეობის მანქანების საბურავების შესყიდვის განხორციელებაში ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონს მე-8 მუხლის მოთხოვნებს და არ იწვევს ინტერესთა კონფლიქტს.

შპს „საქართველოს გაერთიანებული წყალმომარაგების კომპანიის“

დირექტორი

ეკატერინე გალდავა




სანოტარო მოქმედების ინდივიდუალური ნომერი



00241211162618

საქართველო



სანოტარო მოქმედების დასახელება
რწმუნებულების / მინდობილობის დამოწმება

სანოტარო მოქმედების რეგისტრაციის ნომერი

N181408890



რეგისტრაციის თარიღი

16.11.2018 წ

ნოტარიუსი: ნინო ხოფერია

მისამართი: ქ. თბილისი, რუსთაველის გამზ. 28/2

ტელეფონი: +995 32 2 98 70 24

სანოტარო მოქმედებისა და სანოტარო აქტის შესახებ ინფორმაციის (მისი შექმნის, შეცვლის და/ან გაუქმების შესახებ) მიღება-გადამოწმება შეგიძლიათ საქართველოს ნოტარიუსთა პალატის ვებ-გვერდზე: www.notary.ge ასევე შეგიძლიათ დარეკოთ ტელეფონზე: +995(32) 2 66 19 18

საქართველო
სანოტარო აქტი

ორი ათას თვრამეტი წლის თექვსმეტი ნოემბერს, ჩემთან, ნოტარიუს ნინო ხოფერიასთან, სანოტარო ბიუროში, მდებარე ქ. თბილისი, რუსთაველის გამზ. 28/2, გამოცხადდა შპს „თეგეტა მოტორსი“-ს (ს.კ. 202177205) გენერალური დირექტორი ავთანდილ წერეთელი (დაბ: 17.10.1969 წელს, მცხ. თბილისი ამაღლების ქ. N 43, პირადი № 01013007102), რომელმაც მოითხოვა მინდობილობის ტექსტის შედგენა თეიმურაზ დარისპანაშვილს (დაბ.: 09.05.1988 წელს; პირადი № 36001016265) მიმართ.

მე, ნოტარიუსმა ნინო ხოფერიამ, შევამოწმე მხარის ქმედუნარიანობა და დავრწმუნდი რომ მის ქმედუნარიანობაში ეჭვის შეტანის საფუძველი არ მქონდა, პირადობა დავადგინე პირადობის დამადასტურებელი საბუთების საფუძველზე, ხოლო წარმომადგენლობითი უფლებამოსილება შევამოწმე შესაბამისი უფლ. დამდგენი დოკუმენტის საფუძველზე. მე დავადგინე მხარის ნების გამოხატვის ნამდვილობა და შევადგინე წინამდებარე მინდობილობა ქართულ ენაზე, მხარეს გავაცანი აღნიშნული მოქმედების შესაბამისი სამოქალაქო კოდექსის ნორმები. რაზედაც მან განაცხადა, რომ ტექსტი ზუსტად გამოხატავს მის ნებას და შემდეგ ჩემი თანდასწრებით პირადად მოაწერა ხელი აღნიშნულ მინდობილობას:

მ ი ნ დ ო ბ ი ლ ო ბ ა

წინამდებარე მინდობილობით, შპს „თეგეტა მოტორსი“ (რეგისტრირებული თბილისის დიდუბე-ჩუღურეთის რაიონული სასამართლოს მიერ 26.04.2001 წელს. სახელმწიფო რეგისტრაციის ნომერი: 2/4-2784, ს/კ: 202177205. იურიდიული მისამართი: საქართველო, ქ. თბილისი, ვაკე-საბურთალოს რაიონი, დავით აღმაშენებლის ხეივანი, მე-12 კმ. №5) წარმოდგენილი მისი გენერალური დირექტორის, ავთანდილ წერეთლის (მონაცემები მოცემულია ზემოთ) სახით, შემდეგში „მარწმუნებელი“, შპს „თეგეტა მოტორსი“-ს გაყიდვების დეპარტამენტის უფროსს, თეიმურაზ დარისპანაშვილს (მონაცემები მოცემულია ზემოთ) შემდგომში „რწმუნებული“ ანიჭებს შემდეგ უფლებამოსილებას:

- იყოს შპს „თეგეტა მოტორსი“-ს წარმომადგენელი და მონაწილეობა მიიღოს როგორც კერძო, ისე სახელმწიფო ორგანიზაციების მიერ ელექტრონული ან სხვა საშუალებების გამოყენებით განსახორციელებელ სახელმწიფო შესყიდვაში, თუ შესასყიდი ობიექტის ღირებულება არ აღემატება ჯამში 100,000.00 (ასი ათასი) ლარს და აღნიშნული უფლებამოსილების განხორციელების მიზნით, ხელი მოაწეროს სატენდერო დოკუმენტაციას, ხელშეკრულებას, შეთანხმებას, მიღება-ჩაბარების აქტს, განაცხადს და ყველა იმ საჭირო დოკუმენტს, რაც სავალდებულოა მინიჭებული უფლებამოსილების განსახორციელებლად.
- წარმოადგინოს მარწმუნებელი მესამე პირებთან ურთიერთობაში და მარწმუნებლის სახელით: ხელი მოაწეროს ხელშეკრულებებს, რომლის განსაზღვრული კონსიგნაციის ლიმიტი არ აღემატება 20,000.00 (ოცი ათასი) ლარს, ერთჯერად ხელშეკრულებებს, რომლითაც განსაზღვრული საქონლის/მომსახურების შესყიდვის ღირებულება არ აღემატება 100,000.00 (ასი ათასი) ლარს, რწმუნებული, ასევე, უფლებამოსილია ხელი მოაწეროს ზემოაღნიშნული ხელშეკრულებების ფარგლებში გასაფორმებელ შეთანხმებებს.
- მარწმუნებლის სახელით ხელი მოაწეროს საქონლის მიწოდებისა და მომსახურების გაწევის თაობაზე გასაფორმებელ მიღება-ჩაბარების აქტებს საქონლის/მომსახურების ღირებულების მიუხედავად.

მინდობილობა ძალაშია 2019 წლის 31 დეკემბრის ჩათვლით.

მინდობილობა შედგენილია სამ ეგზემპლარად, ერთი ეგზემპლარი რჩება ნოტარიუს ნინო ხოფერიას არქივში, რომელსაც თან ერთვის: შპს „თეგეტა მოტორსი“-ს ამონაწერი სამეწარმეო რეესტრიდან მომზადებული 08/11/2018წ., ხოლო დანარჩენი ეგზემპლარი გადაეცა მხარეს.

სანოტარო საზღაური - 10 (ათი) ლარი, თანახმად სანოტარო მოქმედებათა შესრულებისათვის საზღაურისა და საქართველოს ნოტარიუსთა პალატისათვის დადგენილი საფასურის ოდენობების, მათი გადახდევინების წესისა და მომსახურების ვადების დამტკიცების შესახებ 2011წ. 29.12. #507 მთავრობის დადგენილების მუხლი 31-სა, პ.7, აგრეთვე დღგ (18%) თანახმად საქართველოს საგადასახადო კოდექსის 169-ე მუხლისა და 2 (ორი) ლარი დღგ-ს ჩათვლით, სანოტარო მოქმედებათა შესრულებისათვის საზღაურის შესახებ 39-ე პ.1 მუხლის შესაბამისად - სულ 13.80 ცამეტი ლარი და ოთხმოცი თეთრი) ლარი.

მიმდობი:

ავთანდილ წერეთელი

ნოტარიუსი:

888

/ნინო ხოფერია/

